

昨
非
庵
日
纂

昨非菴日纂三集靜觀卷之八

閩中昨非居士鄭瑄漢奉甫輯

堯夫詩云○纔更十次○聞已換一番人○把族綺紈○
舊朱門車馬○新信哉是言○眼見三十年間○更○
變幾番○事體去來○幾番冠冕○喧寂幾番○人事○
厚薄○幾番風俗○今日眼前所見○全不足憑○人○
顧橫生艷羨鄙厭○豈得其真哉○

唐伯虎一世歌云○人生七十古來少○前除幼年○

後除老中間光景沒多時又有炎霜與煩惱
過了中秋月不明過了清明花不好花前月
下得高歌急須滿把金樽倒世上錢多賺不
盡朝裏官多做不了官大錢多心轉憂落得
自家頭白蚤請君細點眼前人一年一起埋
青艸艸裏高低多少墳年年一半無人掃

秦王欲以一至萬新莽推三萬六千歲曆紀宋
明帝給三百年期其愚一也漢世祖曰日復

二日安敢遠期十歲乎真帝王之言哉
桑維翰謂交親曰居宰相職位有似著新鞋襪
外望雖好其中甚不快活

陳述爲大將軍王敦掾甚見愛重及亾郭璞往
哭之呼曰嗣祖安知非福俄王敦作亂晉明
帝親征破之其黨錢鳳沈亮等皆伏誅噫述
不蚤逝將與鳳亮均被大戮矣

楊愿與秦檜善至飲食動作悉效之檜嘗食肉

噴嚏失笑。愿亦陽噴飯而笑。左右哂焉。楮亦
厭之。諷御史掣去。顧雍爲人寡言動。靜操持。
孫權歎服之。每飲宴。恐酒失。爲雍所見。權嘗
曰。顧公在坐。使人不樂。其見憚如此。丈夫處
世。談笑言論。嘗防識者在。旁如顧自使人心
畏。楊自使人心鄙。至于取譏君子。而反不見
容。小人尤可憐也。

人有所作之夢。明日忽然聞見。與所夢相應者。

世俗謂之解夢。吾因此似得二聖。一則表事有所定。一則表神有所通。若澄心至清。能知未來之事。其理不虛也。

韓琦每誡其子曰。窮達禍福。固有分定。枉道以求之。徒喪所守。謹勿爲也。余以孤忠自信。未嘗有夤緣憑藉。而每遭人主爲知己。今忝三公。所恃者公道與神明而已。

王文端公致政家居。年踰八十。每與夫人各乘

肩輿循觀阡陌。子孫稱觴上壽。一日觀澄江。
洪漲。論子孫曰。初東里先生不欲我同事內。
閤。時不能平。然使我在內。則天順初元當坐。
首禍。今日得與汝曹觀水爲樂哉。

高原陸地不生蓮花。糞壤之中。種植滋茂。因知
苦惱之會。正是練心之處。

杜少陵詩云。莫笑田家老瓦盆。自從盛酒長兒
孫。頓銀注玉驚人眼。共醉終同臥竹根。蓋言

瓦盆盛酒與銀壺玉杯同一醉耳。繇是推之。
寒驢布韉與金鞍駿馬同一遊也。松牀莞簟
與繡帷玉枕同一夢也。紫閣黃扉與蓬門草
戶同一寄也。貧富貴賤升沉顯晦可一視矣。
人最不幸處是偶。一失言而人不察。偶一失謀
而事倖成。偶一恣行而獲小利。後乃視爲故
嘗恬不爲意。則敗行喪檢莫大之患。

冤家多繇夙世亦多結自目前。欲知未來請看

已往嘗見富貴之家大都寬仁每看貧賤之
輩多繇慘刻見食僧厭是福薄相隨寓而安
乃有道氣

周肇營產原從車子而償逋韓相卜居乃爲木
工而定碇凡事前定如斯世人計較可息

明道先生嘗憩一僧寺夜聞察察聲燭之乃鼠
于佛臍中啣一書欲出取視乃丹書也先生
如法陳月餘人見其夜屋有光以爲火往救

非火也。因不復煉。以將成之丹塗銀器。所塗處卽成金。或諷令服食。先生曰。吾腹中安可著此。一道士擬傳之。比至先生已易簀矣。

正統中。劉忠愍公球以直諫爲王振所誣死。先是球與同館鍾公復雅厚。封事實約與偕。疏成爲妻所窺。泣勸乃止。明日球如其家。復他往。妻大罵曰。汝自幹事。何累及他人乎。球驚歎曰。鍾固謀妻。娶耶。遂獨舉。未數日復病死。

妻每號輒曰蚤知若是易與劉侍講同死
元胡石塘應聘入京世祖召見不覺戴笠傾側
及問所學對曰治國平天下之學上笑曰自
家一笠尚不端正又能平天下耶竟不取

僉憲龍西溪嘗語棟塘先生曰僕在京師時同
年友某行人過邸謀曰近有湖廣差我將避
註門籍幾日何如僕曰湖廣非險遠况尊君
在堂便道一省觀豈不美行人曰吾聞吏部

一將選科道若差此恐不得與選吾且避之其次楊子山當行也僕不敢阻行人竟稱病註籍纔二日吏部遽開選行人勢不可即出楊因應選遂得吏科給事中行人徒撫膺恨恨而已

淡中得趣彌真濃處回頭味短飽時卽厭烹鮮
樂極翻嫌絲管

錦衣王佐卒陸炳代理衛篆勢倏張甚佐子不

肖有別墅三。炳欲盡得之。乃陷以罪。并捕其母。母膝行前。道其子罪甚詳。子號呼曰。兒頃刻死矣。母忍助虐耶。母指炳座而顧曰。汝父坐此。非一日。作此等事。應亦非一生。汝不肖子。天道也。何多言。炳面赤。

王黼雖爲相。然事徽宗極褻。官中使內人爲市。黼爲市。今若東昏之戲。一日上故責市。令捷之。取樂。黼窘。故曰。告堯舜免一次。帝笑曰。吾

非唐虞汝非稷契也。一日又與踰垣微行。齟以肩承帝跡。墻峻微有不相接處。上曰。聳上來。司馬光謫應曰。佛下來。神宗皇帝繇此觀之。小人之事庸主也。雖竊寵祿。偷威福而貞邪賢奸之辨。卽昏懦何嘗不了了。胸中耶。

蔡京臨卒前一日。作詞曰。八十三年初。謝三千里外。無家孤行。骨肉各天涯。遙望神京泣下。金殿五曾拜相。玉堂十度宣麻。追思往日謾。

榮華到此番成夢話

盧多遜貶朱崖。李符知開封。求見趙普。言朱崖雖海外而水土無他惡。流竄者多獲全。春州在內地。去者必死。望追改前命。外彰寬宥。實乃置之死地。普領之。月餘。符坐事貶宣州。上怒未已。令貶嶺外。普具述其事。卽以符知春州。到郡而卒。寇萊公貶雷州。時丁謂與馮拯在中書。丁謂秉筆。初欲擬崖州。而丁忽自

疑語馮曰崖州甬涉鯨波如何馮唯唯而已
丁乃徐擬雷州丁之貶也馮遂擬崖州蘇軾
責雷州僦居民屋章惇下州追治及後惇責
雷州問舍于民民曰前蘇公來爲章丞相破
我家今不可也商鞅治秦法嚴舉國怨之惠
王欲殺商君商君逃至函谷關關吏止之曰
商君之法無符驗者坐之商君歎曰爲法自
斃一至于此

大臣赫赫甫丘墓便已就荒文士沾沾問姓名
多云不識名利至此使人心灰

美人傅粉塗香終淪于糞土猛士格虎刺象死
制于螻蟻古鏃繡刀舊日戰爭之地蝕釵灰
襖昔時歌舞之場英雄漠漠精靈秦晉茫茫
歲月

人生若行路前經險阻則後必通衢亦似園花
葩艷獨先則零落必蚤是以達人寧爲蔗境

智士不羨華榮

唐裴晉公不信術數。每語人曰。雞猪魚蒜。逢着則喫。生老病死。時至則行。隋韋世康爲吏部尚書。嘗有止足之志。謂子弟曰。祿豈須多。防滿則退。年不待暮。有疾則辭。

東坡云。余謫居惠州。卓契順涉江渡嶺。鰲面鰻足以來。得書竟還。余問所求。荅曰。契順惟無求。故來惠州。若有求。則在都下矣。予問不已。

乃曰昔蔡明遠鄱陽一校耳。顏魯公憐其意。遺以尺書。天下至今知有明遠也。今契順雖無米與公。然萬里之勤。尚可援明遠例。得數字乎。余欣然爲書歸去。來詞以貽之。庶幾契順託此以不朽也。慶曆中。諫官李兢言事。謫湖南物務內殿承制范亢。時爲都監。念言事坐謫者。後多至顯官。乃傾家與之辦行。兢至湖南。尋卒。昔人笑范亢百萬家財。不如卓老。

僧東坡半紙此只在無意有意之間

薄薄酒勝茶湯麤麤布勝無裳醜妻惡妾勝空
房五更待漏靴滿霜不如三伏日高睡足北
窗涼珠襦玉匣萬人祖送北歸邨不如懸鶉
百結獨坐負朝陽生前富貴死後文章百年
瞬息萬世忙夷齊盜跖俱亡羊不如眼前一
醉是非憂樂都兩忘

士文成公老尚乏嗣人以爲憂公曰幾見千葉

石樗結子者乎。斯破造化。

韓侂胄一日過南園山莊。趙師霁偕行。迨至東村別墅。則桑麻掩映。鷄犬相聞。宛然一鄉井也。俄見林薄中一牧童騎犢且行且歌曰。朝出耕田暮飯牛。林泉風月共悠悠。九重雖竊阿衡貴。爭得功名到白頭。師霁呵曰。平章在此。誰敢唐突。牧童笑曰。吾但識山中宰相。安知朝內平章。胄曰。汝宰相何人。奈失識荆童。

日公如欲見。往駕艸廬。欣然而行。至則竹籬
茅舍。石磴藤牀。書畫琴棋。甚整潔。屏有二律
詩。其一曰。病國妨賢主。勢孤生民無計。樂樵
蘓。僞名枉玷。朱元晦。謀逆空污。趙汝愚。羊質
虎皮。千載恥。民膏國脉。一時枯。若知不可同
安樂。蚤買扁舟客五湖。其二曰。定策微勞總
是空。一時狐假虎威風。不知積下滔天罪。尚
欲謀成蓋世功。披露姦心愚幼主。彰聞惡德

先公玉津園內行天討。怨血空流杜宇紅。
曹韓琦五世孫。後爲史彌遠誅於玉津園。
洪武間。危素以勝國名卿事。上年高矣。上
重其文學。然心頗鄙之。一日燕坐屏後。素不
知也。曳履屏外。甚爲舒徐。上隔屏問爲誰。
素對曰。老臣危素。語復雍緩。上笑曰。我道
是文天祥來也。後復忤旨。上曰。素元臣。
何不和州守余闕廟去。遂謫居之。以此見失。

節之婦無不見薄於夫失節之臣無不見輕於主。漢祖首斬丁公而赦季布。宋祖首罪王彥昇而贈韓通。忠義何負于人哉。

腰纏十萬貫。騎鶴上揚州。天下美事。安有兼得之。理。夏侯嘉正喜丹竈。又欲爲知制誥。嘗曰。使我得水銀半兩。知制誥三日。平生足矣。二願竟不遂而卒。白樂天棄冠冕而歸。鍛煉丹竈未成。除書已到。世事相妨。每每如此。蓋造

化之工不容兼取。既欲爲官。又欲爲仙。安有
是理耶。錢惟演自樞密爲使相。歎曰。使我於
紙盡處押一字足矣。劉子儀三入黃堂。望大
用。頗不懌。稱疾不出。朝士問疾。劉云。虛熱上
攻。石文定在坐云。只消一服清涼散。意謂兩
府方得用。涼繖也。躁進如此。獨不日得不得
有命乎。

衛青少服役平陽公主家。後爲大將軍。貴顯震

天下公主化離作配左右以爲無如大將軍
公主曰此我家馬前奴也不可已而遍擇群
臣貴顯無逾大將軍者迄歸大將軍丁晉公
起甲第鉅麗無比軍卒楊杲宗躬負土之役
勞苦萬狀後杲以外戚起身晉公得罪貶海
上朝廷以其第賜杲宗居之三十年世事翻
覆如此古詩云君不見河陽花今如泥土昔
如霞又不見武昌柳春作青絲秋作帚人生

馬耳射東風。柳色桃花豈長久。

王鑑爲豫州刺史。鎮姑熟。時有餐桓公女塚得金巾箱。織金襪。又有金蠶銀繭等甚多。條以啓聞。鬱林王卽勅賜之。鑑辭曰。今取往物後取。今物如此循環。可不熟念。

唐莊宗時。禁族王慶乞敘功賞。曰。往從濟河。臣係第一隊。入汴。臣屬前鋒。乞遷補。莊宗領之。後事李嗣源。亦言勞。明宗曰。知慶有功。但

每見慶則心憤然安得更有賜予之意因舉
唐太宗詩曰待予心肯日是汝命通時

四明張鄖西先生曰如今做人要從苦中飽嘗
一番方有受用故甘自苦來甘始可久福繇
德致福始可保故做大官幹大功業的人俱
在貧困裏磨難出來如范文正公司馬溫公
之勳業皆從熬粥下帷中鍊成也

杭州朱朝宗博學有聲陸水村公延以訓子後

朝宗中正德癸酉鄉試。累弗利。春官乞就學。
職。時陸公爲冢宰。唱名至朝宗。訝曰。子何就。
一。是耶。朝宗具告不獲已之故。公歎息良久。復
告左右二卿。盛贊舉焉。旣出。同選友咸謂朝
宗必得善地。榜出。乃北地僻陋縣也。衆莫測
所以。時金美之方館于陸公。公問朝宗選何
所。對以某縣。公歎曰。是余之過也。我初欲語
郎中擇善地與之。後竟忘。我將更調之。無何

陸公坐宸濠事謫戍朝宗竟卒于官。有兩人年月日時皆同而榮悴各異。質之司命者則曰。生富貴者受用過分。應得落實。在貧賤者不會享福。應得榮壽。此天道損益之常理也。

李淳風爲太常令。太宗得女武代王。識問淳風。對曰。此在宮中當四十年而王。夷唐子孫幾盡。帝欲求殺之。曰。天之所命。不可去也。徒滌

及無辜且四十年則老老則仁雖欲易姓而終不能絕唐若殺之恐生壯者陛下子孫無遺種矣已而果驗

操履與升沉自是兩途不可謂操履之正宜榮貴操履不正空困阨若以操履責效造物一不驗則怠而流爲小人之歸矣世有愚而富厚慧而貧寒者皆屬定分與其角者去其齒傳之翼者兩其足天地生物必有欠缺處使

相制相避。乃爲妙理。若一一全具。其害尤甚。知此理而安之。則求盈取足之心自灰矣。上元姚三老。貲甲閭右。買別墅于勞勞亭之北。中有池有亭。有假山。飛閣曲房。藥欄花徑。逶迤斗折。粧點如畫。一日狂客王大癡來遊。畱酌池上。酒半酣。曰。樂哉茲墅。翁貲值幾何。三老曰。費及千金。大癡曰。二十年前。老夫曾觴咏於此。主者告我。費凡萬金。翁何得之易耶。

三老曰我謀久矣其子孫無可奈何只得賤
售大癡曰翁當效李德裕刻石平泉垂戒子
孫異時無可奈何不宜賤售三老聞言慨然
不悅旣而躍然引觴謝之曰公真達者之言
老悖空與兒孫作馬牛矣

唐樊系爲朱泚艸詔明日仰藥死宋唐恪爲觀
文殿大學士金人逼立張邦昌恪書名仰藥
死國朝方正學不肯艸靖難詔而樓璉艸

之歸亦自經死。嗚呼！往古今來是何艸詔書
名者之皆死也。或亦綱嘗名義默有相維者。
心死而身輒死耶。

善事本好做。無心做不得。你若做好事。別人
不得忤逆不孝。順天地容不得。王法鎮乾坤。
犯了休不得。良田千萬頃。死來官不得。靈前
好供養。起來喫不得。錢財過壁堆。臨行將不
得。命運不相助。却也強不得。兒孫雖滿堂。死

來替不得

有僧多寶。老僧借觀之畢。拜謝曰。未與何謝之。
有老僧曰。爾與我皆只得一觀。我觀之。爾藏
之。何異。又一小僧具齋飯。約次日請師僧共
飯之。師僧不許。小僧曰。此亦嘗事。師僧曰。安
知吾有明日否。

昔二人同舟有所適。一人性急。晝夜計程。稍阻
輒憤懣。形爲枯瘁。一人性緩。任之。增食甘菜。

顏色日澤。既而抵其處。二人同時登岸。故語曰。急行緩行。前程只有許多。路逆取順。取命中只有許多。用。

極品隨朝。誰似倪宮保。萬貫纏腰。誰似姚三老。富貴不堅牢。達人須自曉。蘭蕙逢蒿。到頭終是艸。鸞鳳鴟鴞。到頭終是鳥。北邙道兒人。怎逃及蚤。草歡樂縱飲。十萬觴。大唱三千套。無嘗到來還是少。

昔有恨恨先生者。見張子野。子野曰。先生何恨。
曰。吾生鱸魚之鄉。不遇吳興。餽手去。陽羨虎
丘。慧麓。皆不踰三百里。而得茶。或乏水。有水
茶適罄。昔于東京王孫家。攜歸古杪。本琵琶
槽。并鶻鶻撥。傳以黃桑。獨蠶絃。偶觸手作餽
鷗叫。而未傳供奉諸曲。中年于嵩少間。遇異
人。密授容成秘術。而內妬。不令有潔婢。二十
一史。熟爛在山。九塞三關。百島十八溪。抵掌

有成畫而未嘗一日膺議論之司如此恨恨
非一種子野曰先生休矣今方有人薦鱸叱
以爲無醬醢飲精茶漱而吐之聽法部坐睡
日夜擁粉狐不免韓熙載伎倆身襲金紫受
文武重寄而出沒擠援恩怨中碌碌以老古
今成敗已陳之局意亦畧不相涉如此較先
生所恨孰多先生曰此恨具恨當不在彼
王聖俞會心編有云天與人半不與人全予以

智慮足以趨利避害而又與以不可趨避與以精英足以殫見洽聞而又與以不可見聞嘉善治前都憲坊爲陸蕢菴所建也舊爲平政坊縣委公之祖某分脩之工制堅固爲費孔多或問之公祖對曰省得又累後人蓋不再傳竟自受用矣以此觀之積德脩善之事其不用便宜者乃世間絕大便宜所歸君子固不爲有心之求造物每巧乎有心之報自作

自受三復斯言益爲凜凜

天○之○將○曉○也○反○暗○此○死○中○有○生○聖○賢○所○以○大○覺○
一○燈○之○將○滅○也○反○明○此○生○中○有○死○衆○庶○所○以○終○
迷○易○之○理○變○化○生○生○不○息○故○居○安○慮○危○處○治○
思○亂○善○察○易○理○者○也○位○高○能○謙○履○盛○不○溢○善○
體○易○理○者○也○

人方困時所望不過十金之費計其衣食之費
妻子之奉出入於十金之中寬然而有餘及

稍稍蓄聚入益衆而所求益以不給不知罪已用之不節而以爲求之未至也是以富而愈貧求愈多而財愈不供盡反而恩之夫向者豈能寒而不衣飢而不食乎

萬安結萬貴妃兄弟以固寵與李孜省深相結日講房中之術憲宗崩內豎于宮中得疏一小篋皆房中術也悉署曰臣安進上遣懷恩袖至閣下曰是大臣所爲乎安慚汗不能

出一語已而科道交章劾之惶遽歸第

韓子熙爲國子祭酒遷鄴之始百司竝給兵刃時以祭酒閒務止給二人或令陳請子熙曰朝廷自不與祭酒兵何關韓子熙事

工部侍郎王佑媚事王振貌美無鬚振甚眷之一日問佑曰王侍郎爾何無鬚佑對翁父無鬚兒子豈敢有鬚問者聞之傳笑

景泰中給事中徐正密請名對言今日臣民有

望皇上復位者。有望前太子嗣位者。不可不
慮。宜出沂王于沂州。又南城宮門之鎖。亦宜
灌鐵。上怒。黜爲衛經歷。復奏請必行。乃謫
戍鐵嶺衛。及天順復辟。械至京。引見。悸甚。便
溺。皆青人。謂其驚破膽也。遂削于市。又有某
御史滑縣人。亦言南城多樹。事叵測。遂盡伐
之。時盛夏。上皇嘗依樹涼息。見樹伐得其
故。懼甚。復位後。下御史部獄杖殺之。顏光衷

日本以市恩求寵豈料明鏡燭奸

正統土木之變一戍卒脫歸語其家人曰亂藏
中吾聞神人語曰爾非此中人豆腐間兒人
也既而得脫然莫曉所謂未幾虜犯土城官
軍接戰卒竟歿于豆腐間陣中

嘉靖中京師縫人某姓者擅名一時所制長短
寬窄無不稱身嘗有御史令裁員領跪請入
臺年資御史曰製衣何用知此曰相公輩初

任雄職意高氣盛其體微仰衣當後短前長
在事將半意氣微平衣當前後如一及任久
欲遷內存冲挹其容微俯衣當前短後長不
知年資不能稱也

有人問某公何故富貴溟滓子曰是上帝償他
宿逋底然不空索子母息都盡可謂妙喻

兩脚直一品朝官做不得兩脚直萬貫家私顧
不得兩脚直孝子賢孫替不得兩脚直嬌妻

艷妾戀不得兩脚直。蓋世機謀使不得兩脚
直。滿腹珠璣誇不得兩脚直。美味珍饈喫不
得兩脚直。高堂大厦住不得兩脚直。錦綺盈
箱著不得兩脚直。寶玩滿筍攜不得兩脚直。
妙舞清歌享不得兩脚直。綠水青山遊不得
兩脚直。造下罪業撇不得兩脚直。結下冤家
解不得兩脚直。閻羅阿旁避不得兩脚直。巧
語花言推不得兩脚直。人情關節用不得兩

脚直親戚勢要靠不得兩脚直刀輪火獄免
不得兩脚直馬腹豔胎躲不得直直直不限
時來不限日清晨不保午時辰日中不保申
時刻任汝功業比姬公任你英雄比項籍任
你錢財過石崇任你文章過李白任你蘓秦
舌萬端任你陳平計六出任你離婁公輸巧
任你管輅君平術任你君王勢滔天任你后
妃色傾國喉嚨但有三寸氣肩頭苦費千般

力跨街昨日逞華顏。經棺今夕眠枯骨。北邙
多少高低墳。鴟鴞夜嘯青楓泣。千載興亡蜂
蟻場。百年成敗狐狸窟。丟開善念不尋思。失
去人身難再覓。富貴因是夙生來。享盡亦須
防算逼。摩尼百八手中提。彌陀一句心頭憶。
此生不度何時度。脩行及蚤無嘗迫。兒女盡
是冤家債。利名盡是刀頭蜜。殺生是啖姻親
肉。淫邪是飲洋銅汁。上牀別却鞋和襪。明朝

來石事不測。一聲去也。只索隨求神禮佛。毫
無益。至親父子及夫妻。改換重來。懵不識。船
到瞿唐補漏遲。蹉過許多好時日。輪迴件件
理分明。因果椿椿無爽忒。迷却多生說現生。
癡人無數齊稱屈。頻呼苦勸不回心。除非等
待兩脚直。

何敬容吏部尚書。性好潔。衣冠必鮮麗。武帝朝。
嘗有侍臣袍服卷罔。帝怒曰。卿衣帶如繩。欲

何所薄敬容希旨每以膠清刷鬢衣裳不整
伏牀慰之暑月背爲之焦

科目之榮至狀元而極官爵之貴至宰相而極
歷數古今狀元宰相已覺車載斗量其民滅
無聞者多矣卽有聲施來襁者亦同歸于幻
耳使我有身後名不如生前一杯酒晉人之
語可爲至言

人縱有千乘之貴不能爭畧刻之生縱有萬

之富不能加五合之飯只此兩事造化把定了。稱秤任他說富說貴說貧說賤說榮辱說順逆千翻百倒都是閒事此之謂大平等。

密網彌天不見牽翻鳳鶴數罟布海何曾張著蛟龍蓋惟神乃知幾匪特聖無死地。

食物之物恒爲人食。算人之人每遭天算。未識朱龍金翅不見黃雀螳螂。

貧儒苦博科名。族姓淵螭輒憑肆惡。寒宗驟致。

昌顯家門元氣定爲受傷葉盛自然花稀鐘
鳴何疑漏盡

解襦剔目一亞仙迷翻無數乞兒喝雉呼盧一
寄奴化出無窮敗種高門蕭颯非但天道之
必好還厚積嘯呼亦是錢神之需轉運

夕陽曉月恒無久駐之光春雪秋花止有暫敷
之景今人隣鷄未唱出戶爭先街鼓遍聞歸
程恨蚤盈箱金玉病來著甚支當繞眼兒孫

氣○亟○喚○誰○替○代○立○刻○收○韁○已○晚○臨○期○補○漏○應○遲○

生來原自赤條條。只此一句。亦是嘗人俗話。亦是古德偈語。看破此句。覺道世間宮室之美。妻妾之奉。所識窮乏得我。諸凡富貴利達心腸。都可付東流水去。又覺道世間臣之死。忠子之死。孝友之死。義從來取義成仁。勾當落得做暢快英雄。雖然赤條條來。赤條條去。聖

人途人。古人今人無不同也。抑知大同之中。有大不同者。語不云乎。冀歟將不去。惟有業隨身。則夫赤條條來。司無所攜而來。至赤條條去。或獨有所帶而去。來時灑落。去時膠黏。譬之純練落入皂缸。旃檀墮于糞團。體質無改。香色大非。豈不爲可憫哉。子輿氏談我曰。無加日不損。夫惟不損。乃真無加。兩義叅觀。赤條條之義始盡。爰拈四律。首尾環吟。背覺。

合塵急忙著眼。生來原是赤條條。蓋世功勳
畢竟消。龍塞將軍馳半夜。螭坳學士坐長宵。
黃金懸肘榮何益。白雪侵顱貴不饒。開熱一
場蕭索後。生來原是赤條條。生來原是赤條
條。破屋錢財畢竟消。醉甕貧兒餉半夜。寒燈
富主箕長宵。關奢崇愷羶無益。受用楊何報
不饒。攢積一堆拋擲後。生來原是赤條條。生
來原是赤條條。如海恩情畢竟消。麗女有私

啼○半○夜○漢○姬○無○寵○恨○長○宵○精○華○乾○耗○仙○難○益○
愁○障○纏○連○鬼○不○饒○團○聚○一○番○分○散○後○生○來○原○
是○赤○條○條○生○來○原○是○赤○條○條○揆○漢○才○名○畢○竟○
消○太○白○彩○毫○揮○半○夜○子○瞻○蓮○燭○耀○長○宵○神○鋒○
切○土○毫○無○益○綺○口○彌○天○只○不○饒○扯○淡○一○篇○岑○
寂○後○生○來○原○是○赤○條○條○

寒○山○詩○曰○有○酒○相○招○飲○有○肉○相○呼○喫○黃○泉○前○後○
人○少○壯○須○努○力○玉○帶○暫○時○華○金○釵○非○久○飾○張○

翁與鄭婆一去無消息

圯上書傳黃石助子房興漢沙中椎譏蒼天畱
胡亥亡秦

郁山守溫州政以身先俗爲一變時張文忠公
得上寵于郡大起治第強市民居山謂張曰
相公居朝喜稱伊傅周召而居家顧不肯爲
蕭何李沆何耶或謂張相國旦暮被召君勤
苦半生甫得一郡而故與相抗獨不爲門族

計耶山笑謝曰。人生進退榮辱。皆有定分。卽如子言。吾便葛巾藜杖。浩然而歸。當何所損。子視郁子靜。豈驅赤子。隄浮榮者哉。

李筌爲鄧州刺史。嘗占星宿而坐。一夕三更東南隅。忽見異氣。明旦呼吏于郊市。如產男女。不以貧富。悉取至。過十餘輩。筌視之曰。皆凡骨也。重令于村落搜訪之。乃得牧羊胡婦一子。李君操客曰。此假天子也。座客勸殺之。筌

以爲不可胡雛必爲國盜若殺恐生真耳胡
雛卽安祿山也

眼前花開落可消人躁急之思身同世古今可
易人競俗之氣

耕牛無宿料倉鼠有餘糧此爲窮困人作一慰
語亦爲貪鄙人作一退語君子落得爲君子
小人枉了爲小人此爲現在作一安閒語亦
爲日後作一究竟語

兩張尚書莊簡公悅莊懿公瑩宅在東門外龜
蛇廟左。孫文簡公承恩宅在東門外太清菴
右。顧文禧公清宅在西門外超果寺前。當時
與四公同榜同朝者其居在城市中皆以轉
售他姓矣。惟四公久存至此。昔東潯張公世
居神蕩。旣任官。其家買宅於陶行橋。公開而
甚悔之。曰。子孫必敗于此。公六子。五廢產。獨
一子三世傳。而賢書不絕。雖不盡如公料。要

知城市不如郊郭郊郭不如鄉村先輩之先見真不可及也

天地有春必有秋潮水有來必有去人身一氣有呼必有吸大英雄作事有放必有收此還是受造化爐鑄處秦皇大索博浪客十日後須有住時漢武求神仙伐匈奴亦尋自悔改伍子胥覆楚鞭屍而仍聽申包胥復楚若一味放而不收便是世間癡漢後來作何結局

陶柳林云積青蚨爲敗子費乃是領批的解官
賺黃金爲怪鬼藏乃是管鑰的庫吏

屠赤水云天上兩輪逐電晝夜不休人間二鼠

嚙藤糾那欲斷有待而脩終日只圖安樂無

嘗到也問君何以支吾來今往古逝者如斯

貴賤賢愚誰能免此三尺紅羅過客來吊過

客一堆黃土死人而哭死人興言及此哀哉

立刻脩行晚矣

天○但○生○一○物○必○有○出○頭○時○
候○艸○極○脆○嫩○當○出○時○
卽○巨○石○亦○壓○他○不○住○

快○樂○之○家○輒○稱○抑○鬱○抑○鬱○終○及○之○
富○貴○之○子○驕○
語○貧○賤○
貧○賤○終○及○之○
所○謂○動○乎○四○體○
天○之○道○
也○

斧○斤○鳩○毒○每○在○衽○席○之○間○
下○石○關○弓○不○離○笑○語○
之○際○

三○寸○舌○說○六○國○
無○非○豪○俠○之○才○
八○千○里○望○西○川○

蓋是諸書之士狐狸臥荒塚可憐黃土蓋文
章妻妾守孤幃無復長繁焰珠翠

漢上官桀爲未央廡令武帝嘗體不安及癒見
馬多瘦上大怒令以我不復見馬耶欲下
史桀頓首曰臣聞聖體不安日夜憂懼意誠
不在馬言未卒泣數行下上以爲忠繇是
親近至于受遺詔輔少主義縱爲右內史
上幸鼎湖病久已而卒起幸甘泉道不治

上怒曰。縱以我爲不行此道乎。卿之遂坐以
他事棄市。二人者。其始獲罪一也。桀以一言
之故超用。而縱及誅。可謂幸不幸矣。

佛言。受卽是空。謂受苦受樂。及一切受用也。如
食列數味。放筯卽空。出多騶從。旣到卽空。終
日遊觀。旣歸卽空。又如爲善事旣畢。其勤勞
卽空。而善業俱在。爲惡事旣畢。其快意卽空。
而惡業俱在。予善得此理。故欲與人共之。

鄭禮臣初入內廷。矜誇不已。同席諸人咸歎有
妓下籌指禮臣曰。學士一時有清貴。亦在人
耳。至于李隙剽承雍。亦嘗爲之。又豈能增其
聲價耶。禮臣因引滿自飲。更不復言。杜牧之
名聞一時。累中科目。意氣揚揚。入一寺。有僧
靜坐者。見之。不顧。旁人爲言。此先輩近日甚
有名譽。僧亦不荅。牧之茫然自失。

褚淵助蕭道成篡宋爲齊。淵從弟粲。謂淵子賁

日○不知汝家司空○將一家物○與一家○亦復何
謂○及淵爲司徒○始歎日○門戶不幸○乃復有今
日○之拜○

賈太傅年二十而爲大中大夫○楊太尉五十而
應州郡辟○馮唐白首○百務穿郎署○董賢年未
二十而爲三公○馮元等平生取錢多○官愈進○
盧懷慎貴爲卿相○而終于處貧○脩短貧富窮
達○其有定命○若此○

蘓秦困不得志如趙逢其隣子易水上從貸布
一疋約價千金隣子不與夫一布爲千金之
償利極厚矣而隣子不與隣子知千金非秦
所有而不知秦能有之于異時也貧賤之士
空言弗信于時如秦者可勝道哉衛青少時
歸其父使牧牛民母之子奴畜之有一鉗徒
相青官至封侯青答曰人奴得無笞罵卽足
矣安得封侯事乎方貧賤時豈惟人不信已

亦不自信矣。石勒始在田中。每聞犂鐸之聲。歸告其母。母曰。作勞耳鳴。非不祥徵也。母固不期其爲祥徵也。王敬則母爲女巫。嘗爲人云。敬則生得胞衣紫色。應得鳴鼓角。人笑之。曰。汝子得爲人吹角可矣。母固期之。笑之。之人固不以爲信也。韓世忠少時。爲省倉負米之役。家貧無生業。嗜酒豪縱。不拘繩檢。人呼爲發韓五。有日者言其當作三公。世忠以爲

悔已殿之日者誠識世忠矣然反以殿之不
自信也已且不自信而何望于人然則世人
布衣起家致位通顯回思前日受人恩不可
忘也其有怨愼不可不忘也

朱全忠將受禪兄全昱顧謂曰朱三汝作得否
與全忠飲博取骰子擊盆而擲之呼曰朱三
汝芒碭一百姓遭逢天子用汝爲四鎮節度
使何負于汝而滅唐家三百年社稷吾見汝

赤其族矣

蜀楊石齋廷和當國時弟爲卿者一任方面者
二諸子侄又數人皆通顯子慎復成進士第
一賀者填委公獨擗蹙不歡或問故公曰君
知傀儡場乎方奏技時次第陳舉曲終而傀
儡盡出人家氣數有限盡泄不宜吾恐今是
曲終時也未幾以議大禮不合公罷相歸慎
戊寅僉事恂以殺人抵大辟人始服公先見

司馬溫公薦劉元城克館職因謂城曰知所以
相薦否城曰獲從公遊舊矣溫公曰非也光
居閒足下時節問訊不絕光位政府足下獨
無書此光之所以相薦也

大勾欄暫裝套勸榮辱何必關心肉傀儡嘗演
家門線索無勞著眼東西南北浮生到處郵
亭朱李張王墮地權時名姓

巨富翁黃金滿窖愈惜分毫極品官白雪盈頭

蕭○營○窟○穴○算○子○何○時○是○了○問○天○亦○大○難○爲○
黑○霧○黃○沙○驢○屎○馬○溺○長○安○貴○客○偏○以○身○嘗○清○溪○
碧○石○綠○柳○緋○桃○田○野○閒○人○何○須○錢○買○

劍○戟○林○掉○臂○遊○行○或○逢○吉○而○羸○爲○君○子○固○溷○塲○
低○頭○鑽○穴○或○蹈○凶○而○枉○作○小○人○一○祿○一○官○薄○
命○子○不○能○承○也○大○忠○大○孝○厚○福○人○乃○克○爲○之○
王○顯○相○薄○曳○金○帶○而○卽○夕○告○殂○李○嶠○骨○寒○臥○紫○
紵○而○通○宵○無○寐○

急而擊之在我多費博浪之椎徐以觀之在彼
自有烏江之劍須施冷眼勿動嗔心

壯心難挽紅輪逞生前而何益香名不黏白骨
爭死後以徒然

李燮拜議郎廉方自守先是潁川甄邵諂附梁
冀爲鄴令有同年生得罪于冀亡奔邵邵僞
納之而陰以告冀冀殺之未幾邵當遷郡守
會母亡邵埋屍馬屋先受封然後發喪邵還

洛陽變時爲河南尹塗遇邵使卒投其車溝
中笞捶亂下大署帛于其背曰誚貴賣交貪
官埋母遂表其狀邵竟廢錮終身

章申公爲相日營園池所費不貲及罷相卽罹
遷謫未嘗得一日居放還寓居嚴州烏龍山
寺子弟皆遣歸幹置生事死之日無人在側
群妾爭分金帛停屍數日爲鼠食其一指勝
遊清地必禍亞神仙者享之彼貪戀權勢者

青溪波波止供徒人消受耳

禮拜彌陀也難憑信他○懼怕閻羅也難迴避他○
世事枉奔波○回頭方是可口○若懸河不如牢○
閉著手○憤揮戈○不如牢袖著○越不聰明○越快○
活省了些閒灾禍○家私那用多○官職何須大○
我笑別人笑我

暮鼓晨鐘○聒得咱耳聾○春燕秋鴻○看得咱眼朦○
猶記做頑童○俄然成老翁○休逞姿容○難逃青

鏡中休逞英雄都歸黃土中○算來不如閒打
哄○枉把機關弄○跳出麵糊盆○打破酸醞甕○誰
是惺惺誰懵懂○

王建曰○余爲諸生時○歲考後○適有叅政某行縣
諸生謁見間○惟問案首名姓○幫補進學人數
而止○越數日○僉事某繼至○亦對諸生言及考
事○惟問黜退停降人數而止○諸生私相論曰○
二公○發問相反如此○吾屬識之○且觀其後○祿

何如乃後大忝官至戶部侍郎子相繼登
第僉事公陝西副使遇安化王作亂腰斬之
吁○豈○謂○一○言○能○致○禍○福○耶○已○寫○其○存○心○之○仁○
厚○與○刻○薄○矣○

漢武好儒至表章六經增置博士而擯董仲舒
不用其好文也枚馬吾丘之倫使備待從而
子長之詩蘓李之詩不見存錄其將將也窮
兵四征掃清朔漠而李廣不侯其慕僞也文

成五利之徒。講却老之方。而東方朔日在左。右。不知其異。毋乃葉公之龍耶。天下自有真。目擊而不能喻。有數存焉耳。

嘉靖初。芻村諸公。僦布衣時。偕友人郎某出郊。見片紙于地。戲共搜之。坐亭中。有老人至。以杖截紙。芻村問之。老人曰。紅蛇也。芻村異之。老人去。一少年至。拾而啓之。則一荷囊也。內貯大錢四。遂持以去。芻村語郎曰。此錢非吾。

與老人所當得吾視之紙也老人視之紅紙也相與歎息而去

功名二字好了多人誤了多人其實得失不關巧拙命運二字達了多人懈了多人此個委順實判知愚

上場終有散場時漫道一朝權在手倚勢也有失勢日且開兩眼看他行

命裏不該金紫貴漫誇朝裏有人時來風送滕

黃閣莫愁牖下終老

事○有○機○緣○不○先○不○後○剛○剛○轉○巧○命○若○踏○踏○走○來○
走○去○步○步○蹈○空○

冶容之婦行必挾鏡。噉名之士袖有綾紋。不惟
眉目膚髮盡以供人。而肝膽肺腸悉非己有。
麟膏鳳髓。隨開華宴。向曉定有散場。紫萼紅英。關
異春到底。須思結果。

李文節燕居錄云。關中故尚書楊爲族子。討奏。

朝籍其家過矣然楊公致位大卿無清白之聲而以賄聞卽彼家關中而於京師拓畝益宅以爲別業今見都陌比屋黃封何不雅甚也昔秦絃都御史亦嘗被籍止有二絹及故衣反以籍得名故曰刺虎者惟恐其鎗之小也及得之又愛其皮又恨其鎗之大也人苦不富至籍沒苦不貧然覆轍相尋不知鑒也利令智昏所繇來久矣利乃不潔之物故夢

汚者其占爲得財。

李文節燕居錄云。甲午典試應天。還京過闕里。時直指新顏廟。前有陋巷坊。丹飾金書。煥如也。余因念顏子家無一坊之資。至萃出乎至陋。故曰窮只窮得一時。富便富了萬世。

常州宜興縣黃土村。東坡北歸。與單秀才步行至其地。地主餉酒曰。紅友。坡曰。此人知有紅友。而不知有黃。封大是快活。余因是推之。金

雞紫綬誠不如黃帽青囊朱轂繡鞅誠不如
芒鞋藤杖醇醪養牛誠不如白酒黃雞玉戶
金鋪誠不如松憲竹屋無他其天者全也

李文節燕居錄云范文正公捐宅基爲姑蘇府
岸至今人士教育其中向使公爲私第不知
今落在何氏故曰善建者不拔

孫北野繇郎署分司荆南女方十歲戲於庭有
小桃樹寸許旦旦沃水母笑曰兒欲啖其實

耶○未○幾○北○野○遷○去○女○後○適○鍾○西○星○西○星○成○進○
士○亦○爲○是○官○攜○家○入○署○正○值○夏○月○桃○陰○滿○庭○
其○實○纍○纍○夫○人○攀○桃○且○喜○且○泣○曰○此○吾○手○植○
也○以○之○餉○其○親○且○告○曰○兒○所○沃○桃○今○果○獲○
其○實○矣○

李文節燕居錄云○人世禍福得失○茫○茫○昧○昧○不○可○知○
故○曰○前○程○事○暗○如○漆○列○子○稱○塞○翁○失○馬○莊○子○
稱○鄭○姬○始○爲○晉○所○獲○涕○泣○沾○襟○及○與○主○同○筐○

牀食芻豢而後悔其泣人能達此則不以日
前爲悲喜矣

玄珠得之象同佳婿得之東牀塵世浮榮亦往
往類此

擇官之人終受好官之累矜名之士多露敗名
之根天道使然也

討了人事的便宜必受天道的虧貪了世味的
滋益必招性分的損

丹徒丁角鎮壁間有無名子詩云○積錢養子望
身安○子大錢多○轉不閒○又錢塘店中有貼詩
云○富饒須念貧窮日○安樂當思病苦時○不知
誰作○皆有理也○

七貴五侯○不過一番黃梁夢○一本玉壺水○金谷
華林○不過一滴艸頭露○一瞬眼前花○詩不云
乎○眼看春色如流水○今日殘花○昨日開履盈
滿者思之○

富貴之勝于貧賤皆無緊要事耳至大利害亦
與貧賤者一老也病也死也皆最要緊事不
可以富貴移易者且因富貴而加速焉
富貴無嘗忽則易失此如傳舍所閱多矣河陽
之花昔日如霞誰知今如泥土乎武昌之柳
秋來作筵亦知其春作青絲否

慾海無邊填七尺於羶淫何不舉頭看落日塵
心難掃耗五官於營算豈知過眼卽浮雲

應高年享富貴之人。必少壯時嘗盡艱辛。未有
自少享富貴。安逸至老者。蚤年登科。必於中
年齟齬。或仕宦無齟齬。亦必其生事窘薄。憂
饑寒。慮婚嫁。若蚤年宦達。不歷艱辛。及承父
祖生事之厚。更無不如意者。多不獲高壽。造
物乘除之理。類如此。間亦有始終享富貴者。
乃是大福之人。亦千萬中一二而已。今人往
往機心巧謀。皆欲不受辛苦。卽享富貴。以至

終身而又非理計較欲爲其子孫計尤大蔽惑也

人生穿衣喫飯所費幾何此外盡爲長物盡爲他人樂天云故舊歡娛童僕飽始知官爵爲他人豈惟官爵凡一應多積而此身無用者盡爲他人造業而自已招報也佛經云萬般將不去只有業隨身旨哉斯言

王荊公過故人家小憩水亭顧水際沙間有饌

器數件意吏卒所竊問之乃小兒聚此食棗
栗盡棄之而去謂俞秀老曰士人閱富貴如
群兒作息乃可

趙廷實曰予性好施乞丐每見其悲號未乞之
時嘗有傲睨自如之色或童僕阿之往往不
遜而去因歎天地間浩然之氣猶賴此輩存
得人生世上身家愈重則負累愈多忍氣忍
疼擺脫不下彼乞人者光光只一條性命前

無所希後無所顧要活便活要死便死看他
十字街頭討半碗冷飯殘羹何媿蛆壤螻李
眞箇上不怕天下不怕地天地爲蘧廬陰陽
爲逆旅試想受萬鍾者晝夜乞哀吮痔
的○光○景○伸○頭○縮○頭○提○心○吊○膽○比○那○叫○化○子○那
個有浩然之氣及至閻羅王來請將當朝宰
相○百○萬○財○主○與○那○花○子○一○脾○拘○去○空○拳○赤○手○
卽刻同行那花子笑欣欣無愧無忤比活時

不○會○少○帶○了○一○件○那○富○的○貴○的○哭○啼○啼○怕○冤○
怕○對○比○花○子○不○會○多○帶○得○一○件○好○婦○人○不○會○
帶○得○一○根○髮○他○自○要○嫁○別○人○好○屋○舍○不○會○帶○
得○一○片○瓦○不○肖○子○還○要○賣○與○人○所○識○窮○乏○好○
便○來○吊○一○陌○紙○不○好○的○還○要○擺○布○你○兒○子○追○
想○當○初○好○沒○來○繇○曷○不○合○王○位○而○證○菩○提○人○
便○皈○依○吾○家○孔○孟○真○真○說○盡○沒○有○一○人○聽○也○
不○亦○哀○哉○

人生打不破。名利關。不知名利關。一座好園林。
也。古詩云。試將杖履西園看。萬紫千紅一夜。
風。人生撒不斷。是情欲。不知情欲。一筵。
好酒席也。古詩云。大白浮杯入醅醪。碧桃洞。
口日。即西。

任你極聰明。伶俐賣得巧。到底藏不得拙。故伊。
川云。凡人粧成十分好。不如真色一分好。
不結良因與善緣。苦貪名利日憂煎。豈知住世。

金銀寶惜汝閒看七十年。凡財積雖多而用不到。卽是看也。馬援謂之守財虜。貪而造業。用又不到。閒看七十年。而爲守錢虜。真愚也哉。

鄭端簡公曉之父。出貢往雲南。詎一日天暮。雨驟宿路。有空屋。夜半有神語曰。予藏神爲汝守此金錢久矣。公曰。果吾分內物乎。今赴任。恐犯懷璧之罪。可仍煩守至歸時。取否。神

欣諾之公因記數而去抵任年餘知長公曉
發解公解任至原寓處藏神出前物付之公
視前數少四百餘金神曰公任中所得非卽
此中物乎此與唐太宗賜尉遲敬德銀一藏
內少二百借約相似可知財帛飲啄實實是
有數全不關乎智巧人徒壞心術以作損人
利己之事而蒼蒼之天旋有因少而奪其多
者諺云鷲鷯怵怵何曾餓死青鵠又云蚱蜢

乾跳折了腿。蜒蟒不動自然肥。都可拍醒睡。
漢。

海中有女樹。天明生嬰兒。日出能行。食時成少。
年。日中成壯年。日晚成老年。日沒而死。明日。
復然。人生一世間。亦何以異是。

優人登場有爲。唐明皇者。下場便不肯與諸優。
衆皆笑之。世間公孤卿貳時至。則爲之。
與逢場作戲。亦復何異。而盛脩邊幅。岸然於。

親故之中恐未免爲誦伶之所竊笑昔沈慶之爲三公歸里鄉人見者皆扶伏膝行慶之笑曰故是昔時沈公知是昔時沈公彼罄折之態可嗤此倨傲之容亦無味

嘉靖間錢塘陸姓爲郡吏毛經歷愛重之陸有女經歷有子納聘約爲婚未幾經歷提問落魄歸時欲娶女以行而陸妻變計覓他女代之經歷不知也既歸而其子學日進取科第

官至操江都院。移檄郡中取陸。陸驚喜且懼。及至。操都偶他出。先入見夫人。夫人曰。我父切莫提前事。陸惶恐曰。何敢言。全賴夫人看顧也。操院歸。禮意甚渥。贈三百金送回。且曰。後尚有所貽。歸而陸之親女至。陸對所饋金。潸然淚下。曰。悲汝命薄耳。女亦悲不自勝。鬱而亡。陸亦繼亡。後有復來贈金者。竟以無人而返。夫興衰靡定。安可據眼前論人。方陸

易女時爲避其衰孰知乃避其興乎

穎川姚尚書塚上碑石甚厚侍郎某塋墓請於
官求解三之一官命解其二或問之曰吾欲
使後人更剖其半耳此足警世癡腸

聲勢所轆其往復之機如翻車轉轂從閒處靜
觀皎然易觀而一塵翳目便投足憊如非大
有識人未易脫然其外也往往見如市之門
遮擁不前求闖其闕而未得而其人偶敗則

爭指其先入者而詬厲之。是以驚蹄而嚙捷足。未嘗不始恨其遲而終幸其後也。

人情多忘見在。在好緣未來。未來之境愈上而愈有。雖至卿貳而未來之境自在。盈天地間止不足更無有餘也。若使高官厚祿可以解之。則今九棘三槐宜皆瀟灑快活。而屑之不展心之多事。憂讒畏譏。彌縫顧慮者。日以益甚。士大夫聰明大者。算計大。算計大者。心中勞。

苦亦大。既圖其身。又憂子孫。反不如三家村
裡痴人。三餐一宿以外。不曉圖度者。翻爲享
福。及至無嘗卒至。落湯螬蟬。投火風蛾。手忙
脚亂。苦不可言。其所處愈尊。則戀人世也愈
甚。其拋四大也愈難。一權相在時。忽展轉以
面壁。乾笑曰。一場扯淡。又有一貴人。年九十
歲而死。曰。我併不見前之八十九歲在何處。
故知但屬於死。決未有自念身已貴。年已高。

而自安者也。

上虞陳五山侍郎治第宏壯。上梁百餘人邪許。經日不能起。其子在旁詫曰。今上如此其難。異日拆時。如何得下。人傳笑之。不知此達人之言也。宋郭進造第。宴工人於上。曰。此造宅者。坐于第其下。曰。此賣宅者。陳氏子之言。即進意也。

吳寧門人李丹仲之族。有自武林歸者。舟覆于

江幸水尚未入。生死在呼吸間。見一人方以
所齋銀物繫腰間。旁一人起而攫之。救至。偶
得不死。來言其事。又余族有傭者。病甚。主人
懼其死于家。遷之廟社。氣息惛然。待盡而已。
前有丐者。新斃。敝衣蔽體。尚匍匐往。將取之。
悲夫。世人于石火電光中。交征攘奪。作子孫
牛馬。皆此兩人類也。

見富貴者。輒神溢形茹。不覺自失。固是其人識

卑亦緣其人福淺。古寒士狎萬乘。貧衲師帝王。視之直似僚友儕輩。初不覺其崇高。非徒挾吾道以藐之。蓋其人福德。原在帝王之上也。南陽忠國師云。老僧在帝釋殿前。見粟散天子。如麻似菽。陸信州云。道人尚不貪釋梵。天王之位。何況人王。地位如是。眼界如是。區區軒冕之榮。曾足動其一眄否。

寒士一經遴擢。遂忘寒士之體。經銷削。仍作

倨之容。夫假則俱假。真則俱真。不應寒士獨
假。貴人獨真也。且一予一奪。俱出朝廷。本無
而予之。則有偶有而奪之。還無彼青華之選。
原非可據之物。而一日爲之。便終身認爲已
有。亦可笑矣。朱平涵言。趙文肅以詞林遷謫。
後入南銓。不肯折節。冢卿彼學道人而猶若
是。信習氣之難除也。

終年製火炮。止圖末後一聲响耳。終日築瓶花。

止圖眼前一霎紅耳季子六國印末後之一响也。淮陰假齊王眼前之一紅也。求以償刺股之勤。出胯之辱。能幾何哉。

秦氏之併六國。大似富翁欲基構之方圓。今日以計誘東隣。明日以利啖西舍。後日又以勢脅前後諸家。費却幾多心力。始成方幅起屋造宅。將圖永遠傳之子孫而死。骨未寒。他人已掃除堂宇。安坐而有之。使驪山癡鬼有靈。

不啻然自笑其生平之爲計拙也。

李士衡奉使高麗。武人余英爲之副。凡高麗所得禮幣等一切委之英。英慮過海船漏。盡以士衡之物藉船底。以已物置其上。無何遇大風。船幾覆。舟人急請減所載。倉忙間拈出棄之中流。少頃風定。簡驗只所棄皆英物。士衡之物無一失者。

棲守道德者。寂寞一時。依阿權勢者。淒涼萬古。

世路中人。或圖功名。或治生產。儘有正經。爭奈
天地間好風月。好山水。好書籍。了不相涉。豈
非枉却一生。

蕭道成爲相王。鎮東府鬱林已五歲。牀前戲。道
成令人拔白髮。問之曰。兒言我誰耶。答曰。太
翁。道成笑謂左右曰。豈有爲人作曾祖。而拔
白髮者乎。卽擲鏡鑷。此時道成正經營禪代。
而持天位授人者。其人已在其前。正如人家。

祖父方刻苦謀生時敗于已長可歎也

向時越中絕無園亭近始多有然其間亦有人
已之辨菜徑棘籬林木蒼翳內有清池數畝
脩竹數竿洞房素閣具體而微北牖延風南
榮賓日身可休老子孫可誦讀親朋過從亦
可觴詠爲已者也若夫雕欄綺榭傑觀危樓
脩廊引帶其間花選寅綠而入標奇踞勝帶
蜺歛雲使夫望之者欲就就之者欲迷主人

有應接之煩。無燕處之適。此爲人者也。吾意
智者。營之自當舍此而就彼矣。

嗜利者。酷如乳虎。詭若穿窬。詎同厮僕。至死耽
耽不休。欲百世無替也。乃身不能享。子孫藉
之。驕淫不踰時。而家業蕭然。偷兒丐子。殞命
辱先者。皆其裔也。令人欲起九原視之。悲哉。
強項者。未必爲窮之路。屈膝者。未必爲通之媒。
故銅頭鐵面。君子落得做君子。奴顏婢膝。小

人枉了做小人。

竇儀爲翰林學士時。趙普專政。帝患之。欲聞其過。一日召儀語及普所爲多不法。且譽儀蚤負才望之意。儀盛言普開國元勳。公忠亮直。社稷之重。帝不悅。儀歸言于諸弟。張洎引滿語其故。曰。我必不能作宰相。然亦不詣朱崖。吾門可保矣。旣而召學士盧多遜。多遜嘗有憾于普。又喜其進用。遂攻普之短。果罷相出。

鎮河陽多遜遂叅知政事作相。太平興國七年。普復入相。多遜有崖州之行。是其言之驗也。

王安石知制誥。一日賞花釣魚宴。內侍各以金碟盛釣餌藥。安石食之盡。明日仁宗謂宰相曰。王安石詐人也。使誤食釣餌。一粒卽止矣。食之盡。不情也。嘗不樂之。

寇準南行至雷陽。吏以圖獻。閱視之首載郡東。

南門抵海岸。几十里。準恍然悟曰。吾少夢有
到海祇十里。過山應萬重之句。乃今日意爾。
人生得喪。豈偶然耶。

仁宗問王素曰。大僚中孰可命以相事者。公曰。
惟宦官。官妾不知姓名者。乃可克選。帝憮然。
有間曰。惟富弼耳。公下拜曰。陛下得人矣。既
告大廷。相富公。士大夫皆舉笏相賀。或密以
聞。帝益喜曰。吾之舉賢于夢卜矣。

九江有碑工刻字甚工。黃魯直題其居曰琢玉坊。崇寧初詔郡國刊元祐黨籍姓名。太守呼使刻之。工曰：「小人家舊貧，止因開蘓內翰黃學士詞翰，遂至飽煖。今日以奸人爲名，誠不忍下手。守義之曰：『賢哉！士大夫之所不及也。』遂餽之酒肉而從其請。」

佛典以人生現前產業爲五家所共。一曰王，二曰水，三曰火，四曰盜賊，五曰不肖子。凡人幸

苦作家自謂可以長守。不知不覺嘗爲此五
家負之。而趨故曰共也。夫尋嘗家業。猶不免
共之者。况得之橫求者乎。

前人謂得便宜事。莫得再做。休說莫得再。只先
一次。已是藉了世間。豈有得便宜底理。汝既
多取了他人底。便是欠下他底。隨後却要還
他。世間人都有合得的。分限。你如何多得他
的。

人○凡○世○事○勿○論○巨○細○險○夷○成○就○遲○速○自○有○一○定○
之○期○一○毫○人○力○夾○着○不○得○制○事○者○主○張○既○定○
又○要○得○事○外○之○意○方○不○受○累○

世○間○之○財○人○所○共○見○聞○者○取○之○猶○可○享○用○何○者○
以○其○無○廉○名○也○人○所○不○見○不○聞○者○取○之○必○不○
可○享○用○且○反○有○禍○何○者○以○其○無○貪○名○也○既○享○
厚○利○又○得○顯○名○決○無○此○理○好○名○而○未○經○敗○露○
者○其○後○人○必○不○昌○

宋高宗在潛邸。遇道人徐神翁。甚禮敬之。神翁
臨別獻詩曰。牡蠣灘頭一艇橫。夕陽西去待
潮生。與君不負登臨約。同上金鰲背上行。當
時不解其意。後高宗避金狄之難。將遊於海。
次章安鎮。閣舟灘上。以避晚潮。問舟人曰。此
何所。曰。牡蠣灘。遙見樓閣巍然。問居人曰。此
何閣。曰。金鰲閣。高宗登焉。見大書神翁往年
所獻詩在壁上。墨痕如新。卽此而觀人生行

止禍福自有定分○非偶然者○

嬰兒落地○未笑先哭○豈非大造○苦我以生○纔一
出世○便入哭境○乎○嗣後笑事少○哭事多○笑時
少○哭時多○到鍾鳴漏盡○畢竟大哭一場而散○
非我哭人○卽人哭我○我往往來來○交相哭也○

張詠入試科場○自謂當奪大魁○有司以對偶題
失黜之○詠乃毀裂儒服○趣趵林谷○師事陳希
夷○希夷謂曰○子當爲貴公卿○一生辛苦○此非

棲憇之所也。後果及第。希夷遺以詩曰。征吳
入蜀是尋常。鼎沸笙歌收火忙。乞得江南佳
麗地。却應多謝腦邊瘡。後詠兩入蜀。又急移
餘杭。累乞閑地。後以腦邊瘡乞歸金陵。方許
之。

李林甫。以便佞進用。每嫉張九齡。裴耀卿。陰害
之。三相入朝。二相磬折趨而入。獨林甫在中。
軒傲無少讓。喜津津。觀者竊謂一鵬挾兩兔。

焉○少選傳詔出○九齡耀卿俱罷○林甫嘻而笑
曰○尚左右丞相耶○

郭昱狹中詭僻○登進士○耻赴嘗選○獻書于宰相
趙普○自比巢繇○朝議惡其矯激○故久不調○後
復伺普望塵○自陳○普笑謂人曰○今日甚榮得
巢繇拜于馬首○

大凡人之舉動異嘗○每爲不祥之兆○余一鄰家
仕爲令○其子携家屬歸○前堂梨園○後庭絲竹○

略無虛日。余謂友人曰：此隣不久，其有哭聲乎？居無何，而其父卒于官。蓋歌之友爲哭，未有極而不反者。